



Siaran Akhbar

PROTON PERKENAL X70 EDISI MERDEKA

- Pengeluaran terhad sebanyak 62 unit bersempena sambutan Hari Kemerdekaan Malaysia kali ke-62
- Berharga pada RM126,100 dan dihasilkan secara eksklusif dalam varian Premium berwarna putih dan merah

Subang Jaya, 16 Ogos 2019 – PROTON melancarkan SUV keluaran terhad pertama dengan memperkenalkan Proton X70 Edisi Merdeka (EM) di salah sebuah cawangan pengedarnya iaitu di pusat pameran 4S Ming Heng Motor terletak di Setapak. Didatangkan secara eksklusif pada model Proton X70 varian premium, sebanyak 62 unit Proton X70 EM ditawarkan pada harga RM126,100 dengan dua warna pilihan iaitu putih (snow white) atau merah (flame red).

Dihasilkan seiring dengan ulang tahun Merdeka ke-62

Model edisi terhad yang dikeluarkan ini seiring dengan sambutan ulang tahun kemerdekaan Malaysia ke-62. Matlamat PROTON adalah untuk menjual keluaran edisi terhad ini semasa Bulan Kemerdekaan iaitu Bulan Ogos di mana Syarikat yakin ianya mampu dicapai memandangkan permintaan tinggi terhadap model ini.

Secara mekanikal, Proton X70 EM ini mempunyai ciri-ciri yang sama pada varian Premium SUV sedia ada Syarikat. Perbezaan yang dilakukan adalah pada rekaan luar dan beberapa tambahan pada bahagian dalam. Pada bahagian luar, bumbung dan bahagian A-pillar telah diwarnakan dengan cat yang dikenali sebagai Quartz Black. Visor pintu turut dipasang di sekeliling kereta bersama plat pelindung (scuff plate) di bampar belakang dan bagi melengkapkan sentuhan akhir, lambang atau emblem 'Merdeka Edition' telah diletakkan di bahagian belakang.

Di bahagian dalam pula, PROTON turut menggantikan alas kaki baharu, pelapik but belakang dan lambang Edisi Merdeka bernombor khas untuk menjadikan setiap unit model ini unik. Kerusi dengan kulit Nappa dan bumbung kaca serta Sistem Bantuan Pemandu Termaju (ADAS) yang terdapat pada varian Premium sedia ada turut dilengkapkan pada model EM ini.

"Proton X70 Edisi Merdeka ini merupakan hasrat PROTON yang ingin meraikan ulang tahun kemerdekaan Malaysia. Kami amat berterima kasih di atas sokongan daripada pelanggan dan kerajaan Malaysia terhadap PROTON, jadi melalui pengeluaran model Proton X70 edisi khas ini adalah cara Syarikat menunjukkan penghargaan kepada semua rakyat Malaysia," kata Dr Li Chunrong, Ketua Pegawai Eksekutif PROTON.

- Tamat -



M/s 2 Dari 2

PROTON PERKENAL X70 EDISI MERDEKA

Mengenai PROTON

PROTON Holdings Berhad adalah 50.1% milik DRB-HICOM Berhad dan 49.9% oleh Zhejiang Geely Holding Group Co. Ltd. Ditubuhkan pada tahun 1983, ia adalah satu-satunya pengeluar kereta OEM sepenuhnya yang lengkap dengan kemudahan penyelidikan dan pembangunan (R&D) di Asia Tenggara dan telah ditubuhkan dengan tiga objektif dasar kebangsaan utama, iaitu untuk menerajui pembangunan industri pembuatan komponen, untuk memperoleh dan meningkatkan kemahiran teknologi dan perindustrian dalam industri pembuatan otomotif dan untuk mengukuhkan daya saing antarabangsa dalam keupayaan industri Malaysia.

1985 menandakan satu tahun yang hebat dalam sejarah Malaysia apabila kereta nasional pertama negara, Proton Saga, dilancarkan untuk rakyat. Sejak itu, ianya menawarkan ciri yang termasuk kenderaan keluarga empat pintu yang serba boleh dan boleh dipercayai seperti Saga dan Persona, kereta eksekutif bergaya seperti Prevé, eksekutif elegan D-segmen Perdana serta kenderaan pelbagai guna yang luas dan berpatutan seperti Exora dan Ertiga. Terdapat juga Suprima S yang *sporty* anggun yang penuh dengan prestasi dan Iriz yang berani dan bergaya daripada menekankan keselamatan dan merupakan kereta kebangsaan ASEAN 5-Bintang yang paling berpatutan.

PROTON adalah lebih daripada sekadar sebuah syarikat kereta sebagai permulaannya sebagai pemacu utama pembangunan negara telah melihat jenama mempercepatkan proses pembelajaran menerusi pemindahan teknologi dengan perkongsian strategik dan kerjasama teknikal. Tidak syak lagi bahawa ia telah membantu mengembangkan ekonomi Malaysia melalui kemajuan dan kejayaan dalam industri automobil.

Dengan mendengarkan keperluan pelanggan, kereta PROTON kini berada di landasan mencapai misi untuk masa depan, dengan PROTON ditetapkan untuk menjadi sebuah marque yang membina kereta berkualiti dan selamat dengan semangat dan jiwa; kereta yang menyeronokkan untuk pemanduan - dan keselesaan untuk dimiliki. Untuk maklumat lanjut, layari <http://www.proton.com>.

Untuk sebarang pertanyaan sila hubungi:

Bahagian Kumpulan Komunikasi Koporat, PROTON

- Faisal Shah di hp: 019-321 8897 / tel: 03-8026 9389 / faisalshah@proton.com
- Lim Ai Mee di hp: 012-698 9189 / tel: 03-8026 9670 / aimee@proton.com
- Julaiha Jamaldin di hp 011-2885 4300/ tel: 03-8026 9697 / julaiha@proton.com